

आकाशवाणी

1. बिहार च अज्ज दपैहरी नितीश कुमार हुंदी अगुवाई आहले मंत्रीमंडल च 7 नमें मंत्री शामिल कीते गे।
2. सीमा सुरक्षा बल नै पठानकोट च अंतरराष्ट्रीय बन्ने पर घुसपैठ दी कोशिश गी नाकाम करी दिता ते इक पाकिस्तानी घुसपैठिए गी मारी मकाया।
3. राष्ट्रपति द्रौपदी मुर्मू होंरें आखेआ जे महिलाएं गी आत्मनिर्भर होने दी कोशिश करनी लोड़चदी ऐ।
4. अल्पसंख्यक मामलें दे मंत्री किरें रिजिजू होंरें कांग्रेस अध्यक्ष मल्लिकार्जुन खड़गे हुंदे उस ब्याने पर पलटवार कीता जेदे च श्री खड़दयगे होंरें आखेआ हा जे नरेंद्र मोदी सरकार नै सब्बै वजीफें च लाभार्थियें दी गिनतरी घट्ट करी दिती ऐ।
5. विदेश मंत्री डॉ. एस. जयशंकर होंरें आखेआ जे भारत, अफ्रीका दा चौथा सब्भनें शा बड्डा बपारिक सांझेदार ऐ। दपक्खशी बपार कोई 100 अरब डालर तोड़ी पुज्जी गेआ ऐ।

<><><><><><>

Bihar-Cabinet

बिहार च अज्ज दपैहरी मंत्रीपरिषद दा विस्तार करदे होई नितीश कुमार हुंदी अगुवाई आहली कैबिनेट च 7 नमें मंत्री शामिल कीते गेन। पटना दे राजभवन च आयोजित संगंध समारोह च राज्यपाल आरिफ मोहम्मद खान होंरें 7 नमें विधायकें गी मंत्री पद दी संगंध चुकाई। संगंध चुक्कने आहले नमें मंत्रियें च संजय सरावगी, कृष्ण कुमार मंटू, डॉ. सुनील कुमार, मोतीलाल प्रसाद, राजू कुमार सिंह, विजय कुमार मंडल ते जीवेश कुमार शामिल ऐ। अज्ज दे विस्तार दे कन्ने गे नितीश कुमार दी अगुवाई आहली कैबिनेट च मुखमंत्रि सने 36 मंत्री होई गेन। एहदे कोला पैहले ध्याड़े बिहार बीजेपी अध्यक्ष दिलीप जयसवाल होंरें अपनी पार्टी दी एक व्यक्ति एक पद दी नीति मताबक मंत्रीमंडल थमां इस्तीफा देई दिता।

<><><><><><>

Pakistan Intruder

सीमा सुरक्षा बल नै अज्ज बड्डलै मूंह न्हरे पठानकोट च अंतरराष्ट्रीय सरहद पर घुसपैड़ दी इक कोश्ट गी नाकाम करदे होई इक पाकिस्तानी घुसपैठिये गी मारी मकाया। आकाशवाणी दे जम्मू संवाददाता नै सीमा सुरक्षा बल जम्मू फ्रंटियर जनसंपर्क अधिकारी दे हवाले कन्ने दस्सेआ जे बल दे जवानें पठानकोट सैक्टर च ताशपतन सरहदी चौकी कश इक्क घुसपैठिये दी संदिग्ध नकलो हरकत दिक्खी जेड़ा इत बक्खी औने दी कोश्ट करा करदा हा। सौहगे जवानें उसी चुनौती दिती पर ओदे ध्यान नेई

देने पर बलें उसी मारी मकाया। बीएसएफ नै दस्सेआ जे मारे गेदे घुसपैठिये दी पंछान ते मकसद दा पता लाया जा'रदा ऐ ते इस सरबंधै च पाकिस्तानी रेंजरें अग्गे सख्त बरोध दर्ज कीता जाग।

<><><><><><>

Army Deal

भारती सेना नै 80 करोड़ रपे शा बद्द दी लागत कन्ने 223 आटोमैटिक कैमिकल एजेंट डिडक्शन ते Alarm AC ADA प्रणालियें दी खरीद ताई इक्क समझौते पर दस्तखत कीते न। पर्यावरण थमां हवा दा नमूना लेइये रासायनिक जंग च इस्तेमाल होने आहले ते प्रोग्राम कीते गेदे जहरीले औद्योगिक रसैनें दा पता लाने लेई इस प्रणाली दा इस्तेमाल कीता जंदा ऐ। रक्षा मंत्रालय मूजब Byu Indian वर्ग तैहत कल लार्सन एंड हूब्रो लिमिटेड कन्ने इक समझौते पर दस्तखत कीते गे। मंत्रालय नै दस्सेआ जे एहदे कन्ने आत्मनिर्भर अभियान गी बढ़ावा थहोग कीजे 80 प्रतिशत थमां बद्द उपकरण ते उप प्रणालियां देसै च गै थहोई जाडन।

<><><><><><>

VP

उपराश्ट्रपति जगदीप धनखड़ होरें आखेआ जे सांस्कृतिक विरसे गी संरक्षित करने च त्यौहारें दी अहम भूमिका हुंदी ऐ। उनें एह टिप्पणी अज्ज कामले जिले दे बोसिमला च पैहली बारी संयुक्त मेगा न्योकुम युल्लो समारोह च शामिल होंदे बेल्ले कीती। भारत दी तेज प्रगति पर लौह पांदे होई श्री धनखड़ होरें आखेआ जे भारत दुनिया च सब्बनें शा तेजी कन्ने विकास करने आहला देश ऐ। उनें आर्थिक विकास, बुनियादी ढांचे दे विका ते सामाजिक कल्याण योजनाएं च देश दी उल्लेखनीय प्रगति पर जोर भरेआ जेडे जे इनें खेत्तरें च होरनें सब्बै देश अग्गे न। अरूणाचल प्रदेश दी हाइड्रो पावर क्षमता बारे बोलदे होई उपराश्ट्रपति होरें आखेआ जे राज्य च 50 जहार मेगावाट दी क्षमता ऐ। उनें आखेआ जे इक मेगावाट बिजली पैदा करने लेई 10 करोड़ रपे खर्च करने पाँदे न जेडा जे राज्य दे हाइड्रो पावर खेत्तर च 5 लकख करोड़ रपे दे बड्डे निवेश दी क्षमता ऐ। उनें आखेआ जे भारत दी पैहली शिडक परियोजना ऐ जिसी इनें बड्डे पैमाने पर मंजूरी देई दिती गई ऐ ते एह छड़ा प्रधानमंत्री नरेंद्र मोदी हुंदी वजह कन्ने गै मुमकन होई सकेआ ऐ।

<><><><><><>

Kedarnath

उत्तराखंड च विश्व प्रसिद्ध केदारनाथ धाम दे कपाट 2 मई 2025 गी बड्डलै 7 बजे खोली दिते जांगन। महाशिवरात्रि दे मौके पर अज्ज एहदी अधिकारिक घोषणा कीती गई। गंगोत्री ते यमुनोत्री धाम दे कपाट 30 अप्रैल गी ते बद्रीनाथ धाम दे कपाट 4 मई गी खुल्लंगन। उत्तराखंड सरकार नै तीर्थ यात्रा गी सुचारू ते सुरक्षित बनाने लेई तैयारियां तेज करी दितियां न।

<><><><><><>

Amit-Shah

केंद्री गृह मंत्री अमित शाह होरें आखेआ ऐ जे खजाना मंत्री निर्मला सीतारमण होरें जेड़ा बजट पेश कीता ऐ ओह दरम्याने तबके दे लोके, करसाने ते लौहके, भलेआं लौहके ते दरम्याने उद्योगे लेई फायदेमंद ऐ। कोयंबटूर च भाजपा दफतर दा उद्घाटन करने परेंत गृह मंत्री होरें आखेआ जे एह त्री बारी ऐ जिस्सलै नरेंद्र मोदी होर सत्ता च आए न, कीजे लोके गी उन्दे पर पूरा भरोसा ऐ। ओडिशा, आंध्र प्रदेश, दिल्ली, हरियाणा ते महाराष्ट्र च होए दे चुनाएं दा जिक्र करदे होई श्री शाह होरें आखेआ जे एहदे कन्नै एह साबत हुंदा ऐ जे लोक इस चाल्ली दी सरकार चाहंदे न जेदा एजेडा राश्ट्री विकास होए। उनें गलाया जे अगले बरे तमिलनाडू च एनडीए दी सरकार बनोग। श्री शाह होरें आखेआ जे नर्मो सरकार राश्ट्र विकास लेई नमें बिचारें दा सोआगत करोग। उनें गलाया जे प्रधानमंत्री नरेंद्र मोदी होर प्राचीनतम भाषा तमिल च मता भरोसा रखदे न।

<><><><><><>

CBI-Crypto Currency

केंद्री जांच ब्यूरो नै गेन बिटकॉइन क्रिप्टो करंसी घोटाले दे सिलसिले च देश भरै च 60 शां मतियें थाहरें पर छापेमारी कीती ऐ। दिल्ली एनसीआर, पुणे, चंडीगढ़, नांदेड़, कोल्हापुर, बेंगलुरु, चंडीगढ़, मोहाली, झांसा ते हबली सने कई बड्डे शैहरें च तपाशी अभियान चलाए जा रदे न जिस च मुख आरोपियें कन्नै जुड़े दे परिसरें दी तपाशी लैती जा रदी ऐ। इस दौरान सीबीआई टीम गी 23 करोड़ 94 लख रपे दी क्रिप्टो करंसी सनई कई हार्डवेयर क्रिप्टो वालेट दस्तावेज, 34 लैपटॉप, हार्डडिस्क ते 12 मोबाइल फोन थहोए न।

<><><><><><>

President

राश्ट्रपति द्रोपदी मुर्मू होरें आखेआ ऐ जे महिलाएं गी आत्मनिर्भर बनने दी कोश्ट करना लोड़चदी। उनें गलाया जिल्ले महिला अपने जीवन च कामयाब हांगन, स्हेई मायने च उस्सलै गै स्हाढा समाज ते देस कामयाब होग। राश्ट्रपति होर अज्ज मध्य प्रदेश दे छतरपुर जिले दे बागेश्वर धाम च 251 कुड़ियें दे सामूहिक ब्याह आहले कार्जक्रमें गी संबोधित करार'दियां हियां। श्रीमति मुर्मू होरें अग्गे आखेआ जे सरकार नै विकसित भारत बनाने दा प्रण कीते दा ऐ ते एहदे ताई समाज दे सब्भनें वर्गे दा बरोबर विकास लाजमी ऐ।

<><><><><><>

Rijju

अल्पसंख्यक मामलें दे मंत्री किरें रिजिजू होरें अज्ज कांग्रेस दे प्रधान मल्लिकार्जुन खड्गे हुंदे उस ब्यानै पर पलटवार कीता। जेदे च श्री खड्गयगे होरें आखेआ हा जे नरेंद्र मोदी सरकार नै सब्बै वजीफें च लाभार्थियें दी गिनतरी घट्ट करी दिती ऐ। सोशल मीडिया पोस्ट च श्री रिजिजू होरें आखेआ जे प्रधानमंत्री नरेंद्र मोदी हुंदी नुमायंदगी च अल्पसंख्यक मामलें दे मंत्रालय नै अल्पसंख्यकें गी पहले शा मता बद्द बाइखितयार बनाया ऐ।

<><><><><><>

Mahakumbh

समूलची दुनिया दा सब्बनै शा बड्डा आध्यात्मिक ते सांस्कृतिक समागम महाकुम्भ अज्ज महाशिवरात्रि दे पावन पर्व मौके प्रयागराज च समपन्न होई जाग। देस भरै थमां आए दे श्रद्धालु प्रयागराज च अज्ज बड्डलै थमां गै संगम ते होर दुए घाटें च चलोबी ला करदे न। 13 जनवरी थमां रम्भ होए दे महाकुम्भ च अज्जै तोड़ी 64 करोड़ 60 लकख शा बद्द शरदालु स्नान करी चुके देन। 144 बरे च शड़ा इक्क बारी होने आहले खास संजोग कन्नै इस बरे आहला महाकुम्भ दा महत्व होर बी बदी गेआ ऐ।

<><><><><><>

Nepal-Pashupati

नेपाल च नेपाल, भारत, भूटान, बांग्लादेश, मयंमार ते होरनें देशें थमां आए दे लकखां श्रद्धालु, संत ते होरनें महाशिवरात्रि दे मौके पर पशुपतिनाथ मंदर च पूजा-अर्चना करने लेई लम्मियें-लम्मियें रींगें च खड्गैयै दर्शन कीते। पशुपतिनाथ मंदर दे कपाट अज्ज बड्डलै 2 बजे पशुपति नाथ जी दी पूजा ते होरनें सरबंधित बवस्थाएं करने लेई खुल्ली गेन। हिमाचल प्रदेश, हरिद्वार, कामाख्या, उज्जैन ते भारत दे बक्ख-बक्ख हिस्सैं थमां संत ते नागा साधू महाशिवरात्रि दे मौके पर पशुपति मंदरै च किट्ठे होंदे न।

<><><><><><>

General Upendra Dwivedi

थल सेनाध्यक्ष जनरल उपेंद्र द्विवेदी होरें फ्रांस च Marseille च Ganteaume fort च France दी फौज दी थर्ड डिविजन दा दौरा कीता। फ्रांस दी 4 दिनें दी अधिकारिक जातरा पर गेदे जनरल द्विवेदी होरेंगी डिविजन दी भूमिका ते इस बरे दे अखीर च फ्रांस च होने आहले अभ्यास शक्ति सने दौनें देशें दे सांझे प्रशिक्षण दे भविक्ख दी रूप-रेखा दे बारे च जानकारी दिती गेई। अभ्यास शक्ति दौनें देशें दी फौजें बश्कार आयोजित होने आहले इक सालाना अभ्यास कार्यक्रम ऐ।

<><><><><><>

Assam

केंद्री पेट्रोलियम ते कुदरती गैस मंत्री हरदीप सिंह पुरी होरें गुवाहाटी च एडवांटेज असम 2.0 शिखर सम्मेलन दे सत्र च शामिल हुंदे होई आखेआ जे असम इक चलन गी अग्गे बदा'रदा ऐ ते भारत दी उर्जा सुरक्षा च एहदी भूमिका होर बंदोग। सत्र दा विषे हा असम दी उर्जा क्षमता गी अग्गे लेई औना। भक्खि लेई तैयार तेल ते गैस सरबंधी बुनियादी ढांचा ते नमियां काड्डां ते वैश्विक उर्जा ट्रांजीशन कन्ने निवेश। उद्योगपतियें ते उद्यमियें कन्ने भरोची दी सभा ग संबोधित करदे होई केंद्री मंत्री होरें आखेआ जे भारत जनेई अर्थ बवस्था लेई असेंगी अपने कौल उपलब्ध मौजूदा उर्जा संसाधनें दा इस्तेमाल करना लोडचदा। केंद्री मंत्री होरें असम च ओ.सी.एल परिसर च नगरपालिका दे कचरे थमां जैव ईंधन उत्पादन लेई इक बक्खरा नामित अनुसंधान अनुभाग स्थापित करने दी बी घोषणा कीती।

<><><><><><>

EPFO

कर्मचारी भविष्य निधि संगठन नै पिछले बरे दिसंबर च 16 लक्ख शा मते नमें सदस्य जोड़े न। श्रम ते रोजगार मंत्रालय दे मताबक इंदे चा 18 थमां 25 बरें दी बरेसू दे सदस्यें दी गिनतरी 4 लक्ख 85 जहार ऐ।

<><><><><><>

India-Africa

विदेश मंत्री डॉ. एस. जयशंकर होरें आखेआ जे भारत, अफ्रीका दा चौथा सब्भनें शा बड्डा बपारिक सांझेदार ऐ। दक्खिनी बपार कोई 100 अरब डालर तोड़ी पुज्जी गेआ ऐ। जपान-भारत-अफ्रीका बपार मंच गी वर्चुअल रूपें नै संबोधित करदे होई डॉ. जयशंकर होरें आखेआ जे अफ्रीका दे विकास ते समृद्धि कन्ने ना छड़ा उत्थूं दे लोकें गी लाह होग, बल्के इस राहें व्यापक वैश्विक स्थिरता ते आर्थिक प्रगति च बी योगदान थहोग। उनें आखेआ जे भारत ते जपान, अफ्रीका देशें लेई विशेष रूपें नै महत्वपूर्ण ते उभरदे खेतर च सब्भनें गी लेइये चलने आहली ते लचीली आपूर्ति श्रृंखला गी मजबूत करने लेई बी सहयोग करी सकदा ऐ।

<><><><><><>

Srilanka

श्रीलंका दी संसद नै नेशनल पीपल्स पावर प्रशासन दे पैहले बजट गी पारित करी दिता ऐ। 225 सदस्यें दी असेंबली दे 155 सदस्यें एहदे पक्ख ते 46 नै खलाफ मतदान कीता। परिवहन मंत्री बिमल रतनायके होरें आखेआ जे विपक्ष नै राजकोषीय योजना गी रानिल बजट, अंतरराष्ट्रीय मुद्राकोष दा बजट ते नमां उदारवादी बजट आखेआ ऐ जे। मगरा एनपीपी नै अपने कोई 80 फीसद चुनावी वायदे पूरे कीते न। विपक्ष दे सांसद हर्षा डी. सिल्वा होरें आखेआ जे बजट च कई बेहतर पैहलू हैन ते पिछली

कई नीतियें गी जारी बी रक्खेआ गेआ ऐ। मगरा इस गल्ल च शक शूबा ऐ जे एह लोके कन्नै कीते दे वायदे या एनपीपी दी विचारधारा दे अनुरूप ऐ।

<><><><><><>

Sudan Crash

सूडान दे ओमदुरमान शैहर च होए दे फौजी जहाज हादसे च मरने आहलें दी गिनतरी बदिये 46 होई गेई ऐ। फौज नै इक बयान च आखेआ जे एनटोनोव जहाज कल ओमदुरमान दे उत्तर च वादी सईदना एयर बेस थमां डुआरी भरदे बेल्लै हादसे दा शिकार होई गेआ हा।

<><><><><><>

Grand Master

भारतीय ग्रैंड मास्टर कोनेरू हम्पी होरें मोनाको दी महिला ग्रैंड प्रिक्स शतरंज टूर्नामेंट दे 7में राउंड च हार दे बाद रोमांचक वापसी कीती ऐ। हम्पी होरें स्पेन दी सरसादात खादेम गी हराइयें टूर्नामेंट च अपानी स्थिति मजबूत करी लैती ऐ। इस जित कन्नै हम्पी कुल 4 अंक कन्नै सांझे तौरा पर दुई थाहर पर न।

<><><><><><>